



2015 yil "09" fevralь № 56

Farg'ona shahri

**Вилоятда табиий газ учун тўловларни ўз вақтида амалга оширилишини таъминлаш, соҳаларда ҳисоб-китоб тизимини тубдан ўзгартириш, дебитор қарздорликни кескин қисқартириш ишларини янада кучайтириш бўйича чора-тадбирлар тўғрисида**

Ўзбекистон Республикаси Вазирлар Маҳкамасининг 2014 йил 11 сентябрдаги 122-сонли йиғилиш баёни ижросини ҳамда вилоятда табиий газ учун тўловларни ўз вақтида амалга оширилишини таъминлаш, соҳаларда ҳисоб-китоб тизимини тубдан ўзгартириш, дебитор қарздорликни кескин қисқартириш бўйича тизимли ишларни ташкил этиш мақсадида

**ҚАРОР ҚИЛАМАН:**

1. Ўзбекистон Республикаси Ҳисоб палатасининг 2015 йил 31 январдаги 13/1-81-сонли хати раҳбарлик ва ижро учун қабул қилинсин.

2. "Водийгазтаъминот" унитар корхонаси аҳоли ва улгуржи истеъмолчиларга етказиб берилган табиий газ учун тўловларни ўз вақтида ундириш ишларини "қониқарсиз" ташкил этганлиги натижасида, асоссиз равишда дебитор қарздорлик ортиб кетганлиги кўрсатиб ўтилсин.

3. "Водийгазтаъминот" УК туман (шаҳар) ҳокимликлари билан биргаликда **уч кун муддат ичида** етказиб берилган табиий газ истеъмолини ҳисоблаш, дебитор қарздорликни ундириш, ноқонуний тармоққа улаш ҳолатларини аниқлаш, уларга тегишли чоралар кўриш бўйича ҳудудий газ таъминоти корхоналари томонидан тизимли ишлар ташкил қилиш бўйича аниқ ва таъсирчан чора-тадбирлар режасини ишлаб чиқиш, вилоят ҳокимлигига киритсин.

4. "Водийгазтаъминот" УК, ҳудудий газ таъминоти корхоналари билан биргаликда:

3 ойдан кўп вақтдан бери кўриқдан ўтказилмаган абонентларни 2015 йил 1 апрелига қадар тўлиқ кўриқдан ўтказиш ва улар томонидан истеъмол қилинган газ ҳажмлари бўйича тегишли ҳисоб-китобларни амалга ошириш;

Ўзбекистон Республикаси Вазирлар Маҳкамасининг 2002 йил 28 мартдаги "2002 - 2004 йилларда уй-жой фондини газни ҳисобга олиш приборлари билан жиҳозлашга доир қўшимча чора-тадбирлар тўғрисида"ги 99-сонли қарори талабларини бажарилишини таъминлаш;

**15 кунлик муддат ичида** “Биллинг газ” дастурида қарздорлиги мавжуд бўлганлиги учун тармоқдан узилган ҳар бир истеъмолчи кўриқдан ўтказилиб, ноқонуний уланиш нуқтаи назаридан текшириб, келусида бу каби истеъмолчиларни ҳар 10 кунлик давр мобайнида кўриқдан ўтказиш тизимини жорий этиш вазифалари юклатилсин.

5. “Водийгазтаъминот” УК, туман (шаҳар) ҳокимликлари, маҳалла фуқаролар йиғинлари, Ички ишлар бўлимлари билан биргаликда 2015 йил 1 майга қадар ҳисоблагичларсиз газни истеъмол қилган хонадонларда ҳақиқатда истиқомат қилувчилар сони ва иситиш ҳажмига аниқлик киритиш ҳамда қўшимча яшовчи сони ва иситиш ҳажмлари аниқланган ҳолатларда ўрнатилган тартибда тўловларни қайта ҳисоб-китоб қилиш ва ундириш чораларини кўрсин.

6. “Водийгазтаъминот” УК, “Ўзнефтегазинспекцияси” вилоят бўлими, шаҳар ва туман ҳокимликлари билан биргаликда:

улгуржи истеъмолчиларни табиий газдан ноқонуний фойдаланиш ҳолатларини аниқлаш бўйича назорат тадбирлар режасини ишлаб чиқиш ва бажарилишини таъминлаш;

тўлов қобилиятига эга бўлган аҳоли ва улгуржи истеъмолчиларнинг қарздорлигини ва жорий тўловларини ундириш юзасидан ҳудудий газ таъминоти корхоналарининг ишларини ташкил қилиш бўйича кескин чоралар кўриш вазифалари топширилсин.

7. Шаҳар, туман ҳокимликлари, Халқ таълими бошқармаси (Тешабоев), Олий ўқув юртлари раҳбарлари, Соғлиқни сақлаш бошқармаси (Садиқов), “Маҳалла” ҳайрия жамоат фонди (Юлбарсов), “Камолот” ЁИХ, вилоят Телерадиокомпанияси (Мўминов), Матбуот ва ахборот бошқармаси (Жабборов), “Водийгазтаъминот” УК (Эргашев) табиий газдан оқилона фойдаланиш ва ўз вақтида тўловларни амалга ошириш борасида тарғибот ташвиқот ишларини олиб борсинлар.

Маҳаллалар ва ўқув муассасаларида тарғибот-ташвиқот тарбирларини уюштириш, жойларда табиий газдан ноқонуний фойдаланаётган истеъмолчиларга нисбатан кескин чоралар кўриш ва бу жараёнларни кенг ёритишга алоҳида эътибор қаратилсин.

8. Вилоят ҳокимининг ўринбосари С.Қўчқоров жорий йилнинг 20 февралига қадар тармоқлар ва ҳудудлар кесимида амалга оширилган ишлар ҳамда тўловларнинг унрилиши тўғрисида Ўзбекистон Республикаси Ҳисоб палатасига ахборот берсин.

9. Мазкур қарор ижросини назорат қилишни ўз зиммамда қолдираман.

**Вилоят ҳокими**

**Ш.Ғаниев**